

重修肇慶府志序



肇慶府志五十卷明太守
平湖陸鏊撰其書創於四
明王縈而華亭黃瑜繼之

序

海鹽徐鶴山陰鄭一麟又
遞相纂輯自正統五年迄
崇禎六年鏤版者四而肇
慶之志始備明末兵起急

武功而忘文事版亦旋廢
故傳之者少後之仕宦於
斯者求一副本不可得於
前人行事之蹟亦罕能詳

序二

之辛亥仲冬予偶得之郡
人梁應時家取而閱之大
約鑿之成書喜爲標目有
表有傳有紀有志議論雖

多考核未盡事多舛互編
次失倫所收藝文半於卷
帙未免濫觴之譏乃於簿
書之間謀所以序正之會

序三

朝廷稽古右文命郡邑有司
皆得修其紀載於是諮之
故老考之令甲殘碑斷簡
靡不畢講竭一人之愚閱

五月而書成文減於前事
增於昔定爲三十二卷肇
慶之志復備夫肇慶之爲
郡本一州治割附諸縣亦

序四

他郡荒僻不治之地於粵
東最爲瘠薄非有通都大
邑聲名文物之美可夸示
天下然而習尚簡樸器用

無華織嗇自給則民生之
所以盛負嶮走險恣其狡
黠疾富噬愚則風俗之所
以衰盛衰之端莫非政治

序五

之所當經紀至於積漸之
久有所因革損益以爲法
令禁防禮儀教養之制雖
其事屢更亦各施於一代

爲治者之所不可不考也
而山川之氣發爲人文秀
傑貞廉節烈之行皆不可
不列以爲世鑒况於治亂

序六

之間匡襄底定鞠育撫摩
有功德之可思有典型之
足式若此者亦不絕於時
昔人所謂澤在斯民沒世

不能忘者甘棠之詩所爲
作也安可使之泯泯不少
槩見於後世哉則肇慶之
志其可廢乎蓋此書在昔

序七

諸賢成之如此其難廢之
又如此其久豈無名公碩
士欲修舉而未能乃以余
之惘惘不文適逢其會成

之反如此其速雖一邦之
典志顯晦亦各有時也哉
康熙十二年癸丑八月

賜進士出身奉政大夫肇慶

序八

府知府加一級前兵部
職方清吏司督捕郎中
武進史樹駿謹序



肇慶府舊志序

四明王縉

肇慶府知府
正統五年序

洪惟聖朝混一區宇際天所覆極地所載莫不歸於版圖而廣之肇慶實在內服首霑德教爲嶺南治郡其建置沿革山川風土人才物產之類必有志以紀載之永樂間郡嘗祇奉纂修輯錄成書進之秘府稿本則畱置郡中以備觀省焉宣德六年春予自刑科給事中奉勅命出知肇慶府視事之暇每取而閱之嘗欲增校鏤板

肇慶府志

王序一

以廣其傳政務匆匆未及也今年夏府學教授伍寧以其續增校本來質於予且得以向所未就者俾訓導李璠宋悅與郡之儒碩參考之僉謂增校攸當允宐就梓復請予文冠諸編首義不可辭嘗考肇慶卽古端州於禹貢爲揚州之域於天文爲牽牛婺女之分野春秋時爲百越之地至秦漢始郡縣之厥後山川風氣人物習尚漸次革薄從忠載之舊志蓋有自矣逮我太祖高皇帝投戈講藝大興文治設學校以陶鎔

其人明禮義以惇厚其俗列聖相承仁漸義摩七十餘年之久薰蒸透徹之餘宜其風聲氣習一時爲之不丕變人才宦蹟煥然足以齒於中州政教之使然也予承乏治郡適際其時亦惟宣上德化措之於民使俗益歸於厚以俟繼此可書則郡志之存非苟云耳由是山川之險易道里之遠邇戶口貢賦之豐耗人物風俗之盛衰與夫建置沿革不須考索登歷可以一覽而得之矣其有關於星土之畱伏原於氣習之變遷夫豈適然也哉

肇慶府舊志序

盱江河喬新

南刑部尚書
成化九年序

肇慶爲郡介乎廣之東西統州一縣八其地在
出貢爲揚州之南境在秦爲南海郡在漢爲蒼
梧合浦郡在唐爲端州在宋爲肇慶府據三江
之口當五州之衝實嶺南之要郡也其山則有
石室銅鼓頂湖之雄峻其水則有端溪陽江龍
池之澄澗其物產則有銀錫布漆翡翠孔雀之
屬其名宦則有馮拯包拯畱正黃公度諸君子

肇慶府志

何序三

其人物則有莫宣卿之高第梁順孫之恩信李
積中父子之學業亦嶺南它郡所鮮者也郡舊
有志蓋出於前太守王君瑩與教授伍寧所葺
然採摭未備譌缺者多覽者病之成化八年夏
太守華亭黃君瑜同知南海馬君襄通判廣昌
李君敏懼世代彌遠文獻無所於稽乃屬郡學
訓導傅珍陽春縣學訓導陳孜搜錄舊文旁詢
故老因舊志而加詮次焉譌者正之缺者補之
凡境內一州八縣疆域城郭山川風土物產之

詳廨宇貢賦戶口寺觀祠廟臺榭之槩名賢達
士孝子節婦之始終以至仙翁釋子之可紀者
騷人墨客詞章之可取者罔不畢載釐爲十卷
將錄梓以傳書來屬予序之夫郡之有志猶國
之有史也史載天下之事其所書者簡而嚴志
紀一郡之事其所書者詳以盡然而史之所書
多本於志之所錄則其所係亦重矣爲政者豈
可忽而不之究耶昔宣宗唐之英君也命詞臣
纂次諸州境土風物爲分處語故能成大中之
肇慶府志

肇慶府舊志序

海鹽徐鶴

肇慶府知府嘉靖四十年序

後周禮大司徒以土會土均之法辨十有二壤之名物則知五方之風氣不同是故燕水不泮越草不零魏風刺儉曹風刺奢舟車異用冠髮異宜焚乎不齊也聖人爲之審於異同之故察於順逆之端因其教不易其俗循其性不拂其能張弛宐民各中其則采於四方之志而已矣故志者君子之所以觀風考俗鑒古證今以彰

肇慶府志

徐序五

治道者也余承端乏思所以適於治而未能爰稽於志疎紊旣多駁正蓋抄散亂毀裂吾欲觀時政聞見不足徵已吾欲觀往蹟故實不足徵已前守盧君連城銳志纂輯畧見端緒余嗣守不可不踵其成也於是乎立類例慎編摩禮境內之髦士而賓之別館相與更定以考其成爲例十有五始於圖經疆域而地利列矣表之以公署風之以學校文之以禮樂紀之以賦役以秩官者詔其爵以選舉者登其良以兵防者固

其守以名宦者樹其聲以流寓者志其蹟以人物者錄其材以貞烈者彰其節藝文外志道之餘也咸得論次以傳焉按是而適於治之途其庶幾矣太史公作史記於秦火之餘上溯黃皇下逮秦漢敘述盡乎古今研核窮乎百氏使往蹟可覩而記也惟善讀者能於利害得失之際繹其旨以要其所歸推而行之以期實用要非簡帙所能盡矧事關興廢道在商確苟可以便民不必格於恆例惟旁通觸類者能得之言外

肇慶府志

徐序六

也亦猶行旅戒途彝險在目尤必齊其銜楹飾其輪轅然後歷險致遠要之於其所歸若川原盈涸陵谷變遷道路之梗日相侵乎其前則在變而通之俾不畫於半途斯已矣讀是志者當自得之

肇慶府舊志序

山陰鄭一麟

肇慶知府萬曆十六年序

余自司馬出守肇慶家大人進而教之日予昔守柳州聞唐刺史柳子厚好奇郡中山水所在記述夫天子命吏以經國家理民人豈直爲遊觀歌咏地哉若肇慶爲粵西門戶控三江包八州洋洋一大郡也倘紀載不備何以考鏡得失且臧方亦司馬事也兒其勉之一麟頓首曰唯唯至郡謁上臺開府則大司馬吳公余鄉王公

肇慶府志

鄭序七

以監司左右之先是討平羅旁置州邑綏以文德民得息肩南畝余守郡實承王公之後勉繼簫聲政和民洽乃以志請大司馬曰羅浮葉刺史春及才雄學博可專其任若郡人陳鎮江譚五河梁文學陳譚兩孝廉皆相與質正者也志成余適入覲過里得藉手以報家君夫上古之世業有九州之志其名九丘丘聚也言九州所有土地所生風氣所宜皆聚此書也楚史倚相猶能讀之自孔子述臧方以除九丘討論典文斷

自唐虞而禹貢遂爲萬世法他若禹本紀山海經神恠弔詭縉紳先生不道故言九州志禹貢乃其宗矣奠高山大川則三壤定貢賦建諸侯文教武衛二者其制治之大端也肇慶山高水遠多岡陵林藪淳鹵之地田不逮揚而賦乃與冀埒量其貢過於橘柚之包計其庸重於輸將之服權其貨軼於漆林之征秩其官衆於諸侯之建予不佞待罪太守日夜皇皇勞來樽節常懼無以安民語曰鑒於水者知妍與媸鑒於古者知得與失欲知制治之猷具此志矣明歲大計對揚明命天子進郡國吏問民疾苦臣一麟謹陳所志稽首頓首對曰此上之德也二三臣之力也小臣何功之有

肇慶府舊志序

平湖陸鏊

肇慶府知府
崇禎六年序

古者天子巡狩方岳詢俗采風輶軒之使亦集里詠方言以獻至六史纂錄取副郡國則圖志所繫凡城郭疆里戶口貢賦人文風俗土產於是乎在蓋山河渺邈或阻梯航茲昔遷湮慮滄桑海匪是不足當指南車記里鼓也迺學士家束髮受書輒期考古鏡得失將一簿十七史直寸管羅之洎入官則不能舉所轄彈丸何歟肇

肇慶府志

陸序九

慶嶺海奧區縮轂兩粵山川秀麗賢哲挺生稱名郡焉屬者軍旅頻興賦役孔棘雖陳元經術薪火長傳而步騫之干戈亦相尋而未有止也一切經制哀益倍異曩時郡邑所紀欲不更張得乎漢張千秋從擊烏桓歸述方畧形勢歷歷如指掌世卜其興彼武夫猶能如是矧擁麾出守將民社是寄其弁髦置之也郡志自國初詔集一統志實具粉本嗣是正統成化嘉靖萬曆間修輯再四都數已備予自己巳水部郎出守